

3
v. Augsbg. d. 16. J. n. 950^b

Der wyrtembergischen landschafft
warhafft vnderricht vnd entschul-
digung Aerwlich an gemaine
Aydgnostchafft außgangē

1519.



215

35



Ber Wirtembergischen Landtschafft
warhaft vnderricht vnd entschuldigung / Lewlich an
gemeine Aidgnosschafft / aufgangen.

Gestrengē Edlen Vesten Fürsichtige Ersame vnd weisert
günstig lieb hern vnd freünde / Euer streng / vest / vnd
weisheit / seyen vnser freündlich willig vnd hochgefissen
dienst / mit erbietung was wir Ern / leibs vnd gnts ver/
mogen allezeit zuvor / Günstig in sonderlieb hern vnd
freünde. Wiewol wir vnser gebrechen / mängel vnd be
schwärden / die wir lanzeit mit vnschult erlitte vnd getra
gen / byssher meniglich im besten verhalenn So zwinge
vns doch diser zeit mercklich vnd erhaischende noturfft
solichs lenger nit zu bergen / Sonder Euer streng / vest /
vnd weisheit / zu denē wir vns getrüllich mitleidens güns
tigen vnd genaigten willens vor andern hoch gerösten
vnd versehen / mit beschwertem gemüt zu entdecken / Vnd
hat nemlich die gestalt. •

Euer streng / vest / vnd weisheit / auch aller erberkeit ist
vnuerborgen mit was Lob / Eren / bracht / vnd wolfart
das Fürstenthumb Wyrtemberg von geringem wesen /
zü einer Graffschafft / vnd nachuolgend zü ainē Herzog
thumb / vff Komen / erhöcht / vnd also lange zeit von ainer
herschafft an die andern / vnd zü letzt auff Herzog Ulrich
en in seiner jugent Komen vnd erwachsen ist Wiewol nun
meniglich sich billich solt geröst vnd versehen haben / das
er in die füssstapffen seiner eltern getreten / das selbig sein
väterlich erb vnd aigen in aufgang gefürt / vnd vor ab
fall / zerstörung vnd verderben zum hochste verhüt haben
solt So ist doch das laider von jm in vergess gestelt vnd
wenig bedacht Sonder hat er sich der massen eingericht /
das darauß jm selbs / ouch land vnd leüten nicht anderst

dañ schimpff / spott / verwyß / vnd entlich allerhöchstes
verderben / geuolgt vnd geraicht hat. Dañ wiewol das
Fürstenchumb Württemberg bisher der achtig / ouch des
inkomens vñ yntrags gewest ist / das er sich nebe andern
fürstmessigen personen im Hailigen Reich / mit eeren dar
an wol het betragen / vñ Fürstliche stand nach nottruffe
vnderhalten mögen. So hat er sich doch laider von anfa/
ng seiner Regierung / mit verschwendung sines güts / mit
aigen williger / überflüssiger / schädlicher hufshaltung / mit
Kostlichem pracht / pomp / vnd fürbrechen / in vnd vßer/
halbs landes für ander Fürsten vnd herren der massen
gehaleen / das es jm meer zu verachtung / schympff vnd
verclainerung dañ zu lob vnd gezierde / vnd entlich zu
ganzem verderben geraicht hat.

Vnd wiewol wir das zeitlich erkent. So haben wir doch
im selben seiner jugendt die schuld zugemessen / vnd auf
besserung verhofft / so er sich enlichen standt einlassen /
Fürstliche kinder vberkommen / das er als dañ die sachen
bedencken / solich mangel vnd gebrechen von tag zu tag
endern vnd abstellen würde / wir haben ouch darauff mit
hilff seiner Räte / den elichen heirat vnd das beischlaffen
seiner Fürstlichen elichen gemahel gefürdert / dasselb am
höchsten begert ouch entlicherlangt. Vnd wiewolder als
mechtig gott jnen bayden Fürstliche kinder beschert / die
in billich zu enderung seynes vrwesens / güter sparung /
vnd geschickter hufshaltung solten gezogen vnd geraicht
haben. So hat doch solchs alles an jm nichts wollen ver-
fahen. Sonder ist er stärs in seinem eygen willigen fürne-
men verhart. Dem land ain beschwerung nach der andern
eingefürt / sein schädliche vnnütze hufshaltung gehaußet /
sich täglich in schulden geschlagē Zins Rent vnd gütern
vßgenommen / damit das landt zum höchsten versetz vnd

beschwerdt/ouch teglichs den vnerthonē vil vnträglicher
schartzelt auffgelegt/dardurch den armen jr surherarner
handtbrot auß den hälßen getzogen/vnd das selb on alle
sparung mit schimpff verthon vnd onworden.

Wiewol sein aigen Rätt/samne vnd sonderlich/des geleis-
chen gemaine lantschafft/zu vyl gehalten landtagen/jm
solichs sein vnwesen schädlich verthün vnd haußhalten/
zum dickern mal schrifflig vñ müntlich angezaigt/seyn
einemen vnd aufzgeben für augen gelegt in getreulich ers-
mannet/vñ auff das höchst darfür vnderthänigest gesetz
het vnd gebetten/mit erzelung/wa er sich zu besserung nit
schicken/zu was nachtail/schaden/sterbe vnd verderben
solichs jm/seinen kynden/ouch land vnnid leütten dienen
vnd raichen möchte/wie dañ das alles die selben vil ual-
gen getrüwen Rätschleg/noch heüt zum tag schrifflig
vor augen nach der leng lauter anzaigen/so hat doch sole-
lich getrewew warnung vnd comanung gar nichts an jm
möllen erschiessen. Sonder ist er in seinem aigen fürnemē
stāts für vnd für verhart/biž zu letzt auß seinē schädliche
verderblichen haußhalten vnd vnwesen/die armē vnder-
thanen zu vngedult bewege/solichs lenger nit haben mö-
gen erleiden/darauf dañ anfenclich der arm Conrad/
vnd darnach für vnd für ain schad nach dem andern ges-
folget hat.

Noch hat die erberkeit all vergangē sachen zu rück geschl-
agen/jme auß dem selbē handel mit beystand des almech-
tigen vnd frommer läute geholffen/vnd daruff an enclis-
chen vertrag nach allem seinem willenn/der jm in all weg;
nützlich/erlich/vnd loblich gewest ist/zu Tübingen mit
jm auffgericht/darin Acht mal hundert tausent gülden
zu erledigung vñ bezalung der auffgenomen gültten vnd

beschwerden über jr vermügen auff sich genommen vnd ih
alweg verhofft er solt noch die exemplar seiner eltern/ouch
die selbige empörung zu herten genomen/ vñ sich zu besse
rung geschickt haben/ als er auch sollichs in höchster vnd
bester form/schrifftlich vnd mündlich zugesagt/den selbē
vertrag bey Fürstlicher wyrde im wort der warhait zu
halten versprochen/besigelt/vnd mit aigner hand vnder
schribē/ouch von Kaiserlicher maiestat hochloblicher ge
dechtnuß confirmiert vnd bestetiget.

Aber sollichs alles vnangesegen/wiewol wir jm in Krafft
desselbē vertrags/hunderttausent vñ zwantzig tausend
gulden bezalt/wiewol wir jm auch daruoer an erschetzen
gelt/inner fünffzehen jaren verschienen ob dreihundert
tausent gulden für gestreckt Dero wir kain pfennig schul
dig gewest seyen/so hat es doch alles nichts erschlossen/son
der über vnd wider seiner getreuen Rāthe/vnd erbarit
landtschafft vilfältig ermaßen vnnnd anhalten/jm aber
mals beschehen So ist ernichts desterminder in allen sein
hendlen nach seine gesunken für gefarn/das land mit zins
vnd beschwerden für vnn und für beladen/vnn und der massen
husz gehalten/das er inner fünffzehen jaren vngesfarlich
vergangen/über alle des lands ordentlich Rent vnd gül
ten/ob Ailfmalhunderttausent gulden/on worden vnd
verthon hat/ob das nützlich vñ wol regiert sey/vnd wie
er seiner kind/ouch land vñ leüt gedacht hab/das hat ain
eglicher verstendiger leichtlich zu ermessen.

Vnd wiewol Kaiserlich .M. hochloblicher gedechtnuß/
sich seiner hendel in vil weg zu güttem beladen/rigel für ge
stossen/jn gegen allen sein widerwertigen zu Blaubüren
vertragen/vnd jm aus etlichen beschwerungen/darin
er damals durch sein aigen willig handlūg gefallen/gnā

diglich vnd mit eerien geholffen/ daselbs für in dielandt;
schafft abermals ain mercklich soin geltes auff sich geno-
men/vn sich noch besserung zu jm versehen So hat doch
sollichs alles nit weiter erschossen/dan das ergleich dari-
nach zu meer beschwerig gemainer landschafft/dem Gr-
auen von Helffenstain/vnnd Dieterichspäten/on seiner
Rät vnd landeschafft wissen vn verwillige/ etlich schloss
vnd döffer auf gebrent vnd verderbt hatt.

Vnd so er sich zu letzt versehen/das die erberkait seiner la-
ndeschafft ab seinen vngeschickten hendlen vnnid sachen/
beschwerung vnd missfallen empfahē/vn dardurch künf-
tig verderben besorgē möchten Da hat er den selbigen nit
mer wollē getrauen Sonder sich von stund/zu dem ver-
dorben gemainen pōuel geschlagen/dy selben an sich ge-
henckt/etlich lychtuertig personen(die zum tail vor lengst
vmb jr verschuldē hencken verdient hetten)zu jm gezoge/
vnd mit hilff der selbigen/etlich from eerlich persone auf
seinen Räten/amp leüten/vnd der landschafft/ als die so
er jm vnd seinen vngeschickte handlungen/wyderwertig
verdacht hat/fencklich angenomen/mits schwerer vnmens-
schlicher marter in vnuerhörter wyß lassen peinigen Den
ain brinenden Kolen in armen vnnid füssien gebraten/vnd
an blossem leyb mit gebräncte wein begossen vn angezündt

Zwen ander mit pyn vn marter der massen benötigt/biß
sich der ain aus ängsten selbs lybloß gemacht/den andr.
by vierzig mal auffgezogē vnd gemartert/biß er vnder
solicher marter on bychte vnnid Sacrament bessendiglich
verschaiden ißt.

Elich aus den andern zwantzig dryssig bis in die acht
vnd dryssig mal auffgeoffen vnd durch on menschlich
vnerhort vnchristenlich pon vnd marter dartzü gebracht
das sie verreterey mord brand vnd ander falsch vnwar
haftig erdicht vergichten vñ sachen auff sich selbs hond
veriehen vnd bekennen müssen vnd wiewol sie nachuol
gend sollich gezwungen vergichten öffentlich widerrüfft
vnd darauff den tod christenlich gelitten so hat er sie doch
schmechlich über jr wissentliche offenbare unschuld mit
viertailen brand vnd in ander weg vom leben zum tod
lassen richten vnd also das Christenlich plüt der frommē
marterer in vil weg jämerlich vñ unschuldiglich vergossen
wir geschwygen anderer grylichkeit dieer mit vil ans
dern armen leüten begangen den er on vrtayl vnd recht
allain vmb wiltprets willē je augen hat lassen auf stechē

Dartzü hat er zwölf ander vnuerleümpf personen von der
lantschafft über sein zugeschrieben sicherheit vñ trostung
fenclich lassen an nemen vmb unschuld mit vnerhorter
pein vnd marter der massen gegen in gehandelt das es
mer erbermlich dañ gebürlich zu schreiben ist vnd onzwy
sel wa in dem selben der löblich pund mit seinem bereiter
kriegs volck nit angezogen sie in gesencknuß betrete das
er sie on mittel leiblos gemachet het.

Ober das alles so hatt er etlich fromm personē des lands
veriagt vnd jnen unschuldiglich jr hab vñ gütt zu seine
handen genommen Durch das alles so hat er die frommē
lantschafft der massen erschreckt das sie sich iher mängel
vnd gebrechen nit mer haben dorffen hören oder mercken
lassen Sonder sie dahin gebracht was er jm zu seine für
nemen zu schryben zu reden vñ zu besiglen fürgenomen
oder begeert hatt das haben sie on alle wider red müssen
volbringen vnd geschehen lassen.

Noch hat jn das alles nit benügt/ sond zü meer beschwe-
rung vnd verderben gemainer landschafft/ so bald Ray.
W. mit tod abgangen vnd verschaiden ist/ da hater von
stund an nü we aufffür angefangen/ vnd auf seinem ai-
gen fürnemē/hinder seiner landschafft auch on der selben
vor wissen Rat vnd verwilligē(des jm doch der vertrag
zü Tübingē auffgericht/zum höchsten verbeüt) das hat
lig Römischi Reich mit der that angriffen/ sich für Reuti-
lingen gelegert/die selbig Stadt dem Reich entzogē/vnd
zü seiner gehorsam gedrungen/ on all rechtmessig grund
vnd vrsachē/über vñ wiß/ das er der selben zyt mit dersel-
be Stat in auffgerichter besiegelter ainig gestandē ist vñ
järlich schyrmgelt von jnen genomen vñ empfangen hat
Nachfolgend sich wyter vnderstandē/ andere glyder des
hailigen Römischen reichs mit worten vnd wercken wy-
ter zübeschädigen/sich mit schwerē kosten erhebt/in Bay-
ern gericht/vñ da wil frommer vnschuldiger leute/ in ster-
ben vnd verderben zü setzen vermaint/ dann das got der
her/durch zuthün frömer leute/jm sein fürnemens lenger
nit wöllen gestatten/ sonder das genediglich fürkommen.
vnd verhüt hat.

Da nun kain auff hörn noch bessierung in jm gewesen ist/
sonder er noch stets für vnd für noch wyter aufffür vnd
ferreterey im hailigen Reich getracht/ derhalbē sich vns-
gnedigst vnd gnedig herrn die Churfürsten/ Fürste/vnd
ander stand des loblichen punds in schwabē gezwungen-
lich vnd ausser der noturst müßen vndersteen gewalts
mit gewalt zü herweren/ vnd also mit schwerem kosten zü
Röf vnd füß/das Fürstentumb Württemberg überzogē
vnd mit hilff des almechtigen/siglich on allen schadē des
lands/mit dem schwert erobert/ vñnd Herzog Ulrichen
darauf vertriben/darby es billich beliben/ auch arm vnd
reich des danckpar gewesen/vñnd sich gentlich verschen/

Herzog Ulrich het in sich selbs geschlagē/sich an den ver
gangnen hendlen lassen settigen vnd geniegen/vnnd nit
vnderstanden/land vnd leüt in noch weiter sterben vnd
verderben zurichten.

Aber sollichs alles vnangesehen/vnd wiewol vnser genes
digst vnd gnedig herren die Pundsständ in alweg nit an
derst/dan gnediglich mit land vnd leütē gehandelt So
hat er doch ab allen vor erzelten schäden/ so er land vnn
leütē zugefügt/kain benügen gehabt Sonder durch et
lich leichtuertig verdorben personen im land in ringer an
sal/die daruor in allen sein hendlē vñ sachen seine anhän
ger gewest seind/ so vil gehandelt/ das sie jm hinder aller
erberkait/derselben zu nachtail/sterbē vnd verderben/ on
jr haissen/wissen vñ verwilligen/mit böser verräterischer
angerichter vnd gestiffter mystery vnd practic widerumb
in das land geholffen haben/vnd darnach für vnn und für
die erberkait mit trow vnd forcht/ auch durch vlfaltig er
dicht vñ warhaftig einbilden/ als ob er von Römischer
vnd Hispanischer Küniglicher maiestat/ auch Churfür
sten Fürsten/ vnd gemainer Aydtgnosschafft/ verwilli
gung/macht hylff vnd beystand vor handen hete/dahn
gedrungen/das siesich/ wiewol mit beschwertem gemüte
vnd allerhöchstem layde in sein gehorsam begeben.

Noch hat er sein alte natur nit mögen verlassen Sonder
ehe er sie in huldung angenomen/da hat er die froim land
schafft von allen jren fryhaiten/die sie nach laut des vor
gemelten vertrags zu Tübingen aufgericht/schwarlich
von jm erkauft vnd bezalt haben/gentlich getrungen/
vnd dieselben wider sein aigen brieff vnd sygel aufgehebt
vnd abgethon.

Darnach gleich zustund/ dies eben leichtuertigen buben/
so im zu seinem einkomē verholffen/in seine Rāt aufrich/
tungen vnd ämpter gezogen/ mit hilff der selbigen die er/
berkeit wie vor vergwaltiget gedruckt vñ geschätz/jnen
jr wein/korn vnnd früchten in grosser mercklicher anzall
auf den heūfern genommen/vil pflegschafften erlert/kir/
chen/waisen;bruderschafftē/almusen/vñ wa er gelt fun/
den erschöpfft/des vnbenuigig/etlich froī erlich fürnemē
personē/in treffenlicher anzal/die sein vngestüm wesen er/
fant/seiner zukunft gewichē/vnd an jr gewarsam getre/
ten/die auch byß her vnd jre altuordern ain trost vnd ges/
zierde gemainer landschafft gewest/ dero Rāt/dienst/vñ
erberehandlung dē hern/ auch land vñ leuten/in vil weg/
zu güte erschossen/jre erbere weib vñ kinder/allein in täg/
licher klaidung vonhaus vnd hoff nach geschickt/des
lands veriagt/vnd jr hab vnnd gut zu seinen handen ge/
nommen.

Item sechs ander erlich personen von Schorndorff/vber
beschechine huldung beschickt/mit grausamer traw/weiß
vnnd geberde/zehentausend gülden von jnen erfordert/
vnd entlich auff sechs tausent güldē so strenglich verharet
das sie vmb gefar willen/jres leybs vnd lebens sich aus/
vnuermögenhait solcher Som des lands haben enteūf/
sern vnd jr weyb vnnd kinder/iämerlich hinder jnen ver/
lassen müssen;

Dartzū sich für Eßlingen gelegt/vnd (das wolerpärm
lich vnnd vormals im hailigen Reich vnerhört ist) ob
hundert morgen weinreben ganz verderbt/auff dem bo/
den abgeschnitten vnnd zum tail auf der erden gehawen/
vnd also die fromen vnschuldigen vnderthanen imland
widder jren willē/hertz vñ gemüt/mit hilff seiner anhänger
b ii.

nach alter seiner gewonhait/ dermaßen auf gemergelt/ge
scherzt/vnd von newem in verderben gericht/byß manch
vnschuldig from̄ hertz mit tråherendē augen vō got dem
herrn erworben/das diestend des lōblichen Pundts/sich
widerumb in rüstung geschickt/vnd vns auf der schwere
erbärmlichen gesencknuß erlediget vnd erlöst haben/des
wir sin nach gott dem almechtigen/billich die höchstein
dankperkeit schuldig vnd verpflicht seindt.

Um werden wir aber bericht/ als ob herzog Ulrich bey
eū wer streng vest vnd weisheit/ mit vil hoch geuerbter er
tzlung seiner vermainten vnnd erdichten vnschuld/vmb
hilff teglichs anhalt/der mainüg/durch eū wer beystand
vnd zuthun/sich widerumb in regierung dis lands einzū
dringen/des wir dan hertzlich vnnd zum allerhöchsten er
schrocken seind/in betrachtung so er wider einkommen solt/
zu was erschröckenlicher greulicher regierung aller erber
keit sollichs dienen/darauf entlich land vñ leuten niches
anders dan abgang/zerstörung/verhelligung/sterben
vnd verderben erwachsen möcht Darumb wir auff das
allerhöchst geursacht/ever streng/vest vnd weisheit/ ge
stalt der sachen mit bestendigem grund der warheit auff
das kürzest zu berichten.

Vnd bitten demnach an die selb eū wer streng/vest vnnd
weisheit vndertheniglich vnd auff das allerhöchst/vmb
gotes/der gerechtigkeit vnd aller erberkeit willen/Ir wölt
bedencken/bedachten/vñ zu herten fassen/das ir yewel
tender/handhaber/schützer vñ beschirmer der verdrück
ten vnd belaidigte erberkeit/allweg berümbt vñ gebreit
gewest seind/Das ir ouch vnd eū wer altuordern/diser ex
lichen Wirtembergischen landschafft/ye vnd altoege mit
gütlem willen genaigt/früntschaft vñ güts bewisen vnd
erzaigthabē/vñ wölt eūch herzog Ulrichs vngegründt

einbildung/in kainen weg wider vns lassen bewege noch
abwendē Sonder sich sein vnd seiner verkerte anhänger
gentlich abschlähe/vns/vnsere weib vnd kynd/vor snen
getrülich helffen handhaben/schützen vñ schirmen/vnd
wa jr mögt mit höchstem fleiß darzū raten vnd fürdern/
das wir seiner person/beywonung vnd regierung fürtter
hyn in allweg überhebt/vnd vertragen blyben Dañ sole
das nit geschehen/vnd er sich widerumb eindringen (das
gott gnädiglich verhüten wöl) habt jr menschlich züge
dencken/ ehe wir seiner grimmigen regierung vnd beywo
nung weiter erwarte/das wir vns ehe aller zeitlichen na
rung/die vns got bis her in vnsrem eerlichen vatterlandt
genädiglich verlöhnen/williglich verzeihen vnnnd in freyer
armut ersterben wöltet.

Zu dem so haben euer streng/vest/vnd weysshait jr als
gen wolfartnutz vnd schaden/darbey auch zu gedencken
nach dem hertzog Ulrich land vnd leuitauff das allerhö
chst mit schulden/zyns vnd gülten der massen beschwert/
das es höher nit kan oder mag beladen werden/Solt er
wider in das land einkomen/vnd dardurch die landsch
afft weiter überzogen verhelliger oder beschedigt werden/
das es euer streng/vest/vnd weyshait zu aigem verlust
vnd abgang iher gülten/Kent vnd nutzungē/so sie auff
dinem Fürstentumb haben/zum höchsten diene/vnd dyß
land fürtterhin sollichs in kainen weg weytter ertragen
künd oder möcht. Darumb so wollen euer streng/vest
vnd weyshait/vns/vnsere weyb vnd kind/vnd alle erber
kait zum besten bedencken/vñ sich hierinn günstlich bewy
sen vnd erzaigen/das wirt ganzer gemainer Ridgnosch
afft bey aller erberkait loblich. Wir wollen auch das wir
gespart leybs vnd güts geträlich verdienet/vnsere kynd
dermassen züthün vnderweysen/vnd in schuldger dank
perkait nimmer vergessen. Das alles wolten wir euer
b iii

streng / vest vnd weifheit auß zwungälicher nootturfft im
besten nit verhalten / der hohen vnd tröſtlichen züuersiche
Ir werden eüchſollich hertzog Ulrichs begangen händel
vnd sachen getreülich lassen laidt sein / sein vnd ſciner ver-
kertē anhänger gentzlich entschlahē / vñ ſich dero in dhai-
nen wege wyder vns beladen. Das ſteet vns wie vor mit
allem willen zü verdieneten. Geben vnder den nachgemel-
ten zwölff Stet auffgetruckten inſigeln / von vns er aller
wegen verschloſſen / nemlich Stuttgart / Drach / Kirch-
ain / Göppingen / Schorndorff / Waiblingen / Canſtadt
Marppach / Gröningen / Vayhingen / Herenberg / vnd
Calwe. auff Montag nach Leonhardi. Anno ic. xix.

Botschafften vnd gesanten / der Stet
vnd ämpter des Fürtentums Wirs-
temberg ſamlet vnd ſonnerlich / yetz
zü Stuttgart versamelt.

Den gestrengern / edlen / weyßen / fürſichtigen / ersamen vnd
weyßen / botschaffte / hauptleut vñ Räten der gemainen
Aldgrosschafft / yetz und zü Basel versamelt / vnsern ſon-
dern günstigen lieben herrn / nachpaurn / vnd guten freue-
nden.